



Republika e Kosovës
Republika Kosova – Republic of Kosovo



Komuna e Prishtinës
Opština Priština – Municipality of Prishtina



DREJTORIA E ARSIMIT

Nr. 03-176-22;

Data: 13.06.2022

Në bazë të nenit 62 paragrafi 3 të Ligjit nr. 03/L - 040 për vetëqeverisjen lokale ("Gazeta zyrtare e Republikës së Kosovës", nr. 28/2008), të nenit 5, shkronja b) të Ligjit nr. 03/L-068 për Arsimin në Komunitet e Republikës së Kosovës, të Ligjit nr. 02L-52 mbi Edukimin Parashkollor, në nenin 4 paragrafi 8 të Udhëzimit Administrativ (MASHTI) nr. 03/2022 për përfshirjen e fëmijëve në institucionet parashkollore në Kosovë, Drejtoria Komunale e Arsimit shpallë këtë:

KONKURS PLOTËSUES

**PËR REGJISTRIMIN E FËMIJËVE NË INSTITUCIONET PARASHKOLLORE
PUBLIKE TË KOMUNËS TË PRISHTINËS PËR VITIN 2022/2023**

Vendet e lira në Institucionet parashkollore 2022-2023

Grupmosha	IP. Dielli	IP. Yllkat	IP. Fatosat	IP. Xixëllonjat	IP. Buzëqeshja	IP. Ardhmëria	IP. Lulevera	IP. Gëzimi Ynë	Gjithsej
1- > 2 vjeç	24	20	33	10	10	24	20	46	187
2- > 3 vjeç	0	14	12	10	10	2	4	10	62
3- > 4 vjeç	8	0	3	0	0	16	0	21	48
4- >5 vjeç	0	0	15	0	17	0	10	9	51
5- >6 vjeç	0	0	0	18	0	0	6	5	29
3-6 vjeç	0	0	18	0	0	0	0	2	20
Gjithsej	32	34	63	38	37	42	40	93	397



I. Aplikacionit i bashkëngjiten dokumentet, si vijon:

- Formulari i aplikimit (merret në institucionin përkatës parashkollor);
- Dokumenti personal i prindit (letërnjoftim ose pasaportë);
- Ekstraktin e lindjes së fëmijës;
- Vërtetim vendbanimi nga Bashkësia Lokale;
- Faturën e shërbimeve komunale, jo më të vjetër se gjashtë muaj;
- Për qiramarrësit - Kontratë e noterizuar mbi qiranë;
- Dëshmia nga mjeku për gjendjen e përgjithshme shëndetësore të fëmijës;
- Dëshmia për vaksinimin e fëmijës (fletorja e shëndetit të fëmijës);
- Vërtetimi për marrëdhënien e punës për të dy prindërit (nëse prindërit janë në marrëdhënie pune);
- Pasqyra e Trustit për gjashtë (6) mujorin e fundit;
- Dokumente të tjera origjinale ose të noterizuara për të dëshmuar kategorinë përkatëse të specifikuar në Vendimin e Drejtorisë Komunale të Arsimit nr. 03-171-22 të dt. 10.06.2022.

II. Kushtet dhe kriteret e regjistrimit të fëmijëve në institucionet parashkollore

Regjistrimi i fëmijëve në IP do të bëhet në bazë të kriterëve të përcaktuara me akte juridike që e rregullojnë fushë e arsimit parashkollor (Ligjit nr. 02L-52 mbi Edukimin Parashkollor), në përputhje me Udhëzimin Administrativ nr. 04/2022 për pranimin e fëmijëve në institucionet parashkollore në Kosovë dhe në Vendimin e kriterëve të pranimit të fëmijëve në institucionet parashkollore publike të Drejtorisë Komunale të Arsimit nr. 03-171-22 të dt. 10.06.2022.

III. Afati dhe mënyra e aplikimit

- Konkursi mbetet i hapur nga data e publikimit më **13.06.2022 deri më datën 24.06.2022;**
- Aplikimi dhe dorëzimi i dokumenteve bëhet në institucionin parashkollor përkatës **çdo ditë pune prej orës 09:00 deri në ora 15:00;**
- Shpallja e rezultateve bëhet më **datën 04.07.2022** në institucionet parashkollore përkatëse;
- Palët e pakënaqura me rezultatet e regjistrimit mund të ushtrojnë ankesë në institucionin parashkollor përkatës në afat prej tre (3) ditëve pas datës së publikimit të rezultateve;
- Palët e pakënaqura me përgjigjen e IP-së, mund të ushtrojnë ankesë në DKA, si shkallë e dytë, në afat prej tetë (8) ditëve; DKA nuk shqyrton asnjë ankesë, nëse e njëjta nuk është shqyrtuar me shkrim nga IP përkatëse.

Vërejtje: Të gjitha dokumentacionet e pakompletuara dhe jashtë afatit zyrtar të përcaktuar në këtë konkurs nuk do të shqyrtohen.



Republika e Kosovës
Republika Kosova – Republic of Kosovo



Komuna e Prishtinës
Opština Priština –Municipality of Prishtina

DREJTORIA E ARSIMIT

Nr. 03-171-22;

Data: 10.06.2022

Bazuar në nenin 62 paragrafi 3 të Ligjit nr. 03/L - 040 për vetëqeverisjen lokale ("Gazeta zyrtare e Republikës së Kosovës", nr. 28/2008), nenin 57 shkronja e. të Statutit të Komunës së Prishtinës, 01. nr. 110-391, dt. 25.2.2010, në ligjet që rregullojnë fushën e arsimit parauniversitar (Ligji nr. 02/L-52, Ligji nr.03/L-068, Ligji nr.04/L-32 dhe Ligji nr.04/L-138), në nenin 4 paragrafi 8 të Udhëzimit Administrativ (MASHTI) nr. 03/2022 për përfshirjen e fëmijëve në institucionet parashkollore në Kosovë, drejtori i Drejtorisë Komunale të Arsimit (DKA) merr këtë:

V E N D I M
PËR KRITERET E PRANIMIT TË FËMIJËVE NË INSTITUCIONET
PARASHKOLLORE PUBLIKE

- I. Vetëm fëmijët e prindërve që janë banorë të komunës së Prishtinës mund të regjistrohen në institucionet parashkollore (IP) të Komunës së Prishtinës;
- II. Planifikimin për numrin e fëmijëve që do të pranohen në IP e bëjnë vetë IP-të, në përputhje me legjislacionin në fuqi dhe në përputhje me kapacitetet profesionale dhe infrastrukturore të IP-ve;
- III. Moshë minimale e fëmijëve dhe grup moshave që do të pranohen në IP e përcaktojnë vetë IP-të, në përputhje me legjislacionin në fuqi dhe në përputhje me kapacitetet profesionale dhe infrastrukturore të IP-ve, por llogaritja e moshës së fëmijëve nuk bëhet duke marrë parasysh datën e regjistrimit por datën e fillimit të shërbimit, përkatësisht duke marrë parasysh **datën 31 Gusht;**
- IV. Pranimi i fëmijëve në IP bëhet në bazë të numrit më të madh të pikëve totale që merr një kandidat bazuar në kriteret e specifikuar në tabelën e mëposhtme:



Nr.	Kategoria	
1	Fëmijët bonjakë pa të dy prindërit	100
2	Fëmijët bonjakë pa njërin prind nëse prindi kujdestar është i punësuar	90
3	Fëmijët bonjakë pa njërin prind nëse prindi kujdestar është i papunësuar	80
4	Fëmijët e invalidëve të luftës së UÇK-së nëse të dy prindërit punojnë	40
5	Fëmijët e invalidëve të luftës së UÇK-së nëse njëri prind punon	30
6	Fëmijët e invalidëve të luftës së UÇK-së nëse asnjëri prind nuk punon	20
7	Fëmijët me nevoja të veçanta nëse të dy prindërit punojnë	80
8	Fëmijët me nevoja të veçanta nëse njëri prind punon	60
9	Fëmijët me nevoja të veçanta nëse asnjëri prind nuk punon	40
10	Fëmijët e prindërve të divorcuar nëse prindi kujdestar është i punësuar	60
11	Fëmijët e prindërve të divorcuar nëse prindi kujdestar është i papunësuar	30
12	Fëmijët e veteranëve të luftës së UÇK-së nëse të dy prindërit punojnë	20
13	Fëmijët e veteranëve të luftës së UÇK-së nëse njëri prind punon	15
14	Fëmijët e veteranëve të luftës së UÇK-së nëse asnjëri prind nuk punon	10
15	Prindërit e fëmijëve në asistencë sociale	20
16	Fëmijët që punojnë të dy prindërit (me të ardhura mujore të prindërve deri në 350 euro)	40
17	Fëmijët që punojnë të dy prindërit (me të ardhura mujore të prindërve 351-700 euro)	30
18	Fëmijët që punojnë të dy prindërit (me të ardhura mujore të prindërve 701-1000 euro)	25
19	Fëmijët që punojnë të dy prindërit (me të ardhura mujore të prindërve mbi 1000 euro)	20
20	Fëmijët e prindërve që janë banues në lagjen - Bashkësinë Lokale ku gjendet IP-ja	20
21	Fëmijët e punëtorëve të IP-ve	10
22	Fëmijët e prindërve që tashmë e kanë një fëmijë vijues në IP	10



23	Fëmijët që njëri prind ju punon (me të ardhura mujore të prindit deri në 350 euro)	20
24	Fëmijët që njëri prind ju punon (me të ardhura mujore të prindit 351 - 700 euro)	15
25	Fëmijët që njëri prind ju punon (me të ardhura mujore të prindit 701 - 1000 euro)	10
26	Fëmijët që njëri prind ju punon (me të ardhura mujore të prindit mbi 1000 euro)	5

- V. Të gjitha statuset e të gjitha kategorive të përfshira në tabelën e mësipërme duhet të dëshmohen me dokumente valide të lëshuara nga institucionet relevante;
- VI. Me hyrjen në fuqi të këtij vendimi shfuqizohet vendimi 03 nr.271, dt.14.06.2021, për kriteret e pranimit të fëmijëve në institucionet parashkollore publike;
- VII. Vendimi hyn në fuqi në ditën e nënshkrimit të tij.

U dorëzohet:

- Institucioneve parashkollore publike (IP);
- Drejtorisë së Arsimit.

